

[1] 香港喺2006年喺禽流感爆發之前，仲係可以散養雞、鴨等等嘅家禽。你有冇見過屋企嘅爺爺公公或者嫲嫲婆婆養過呢？

[2] 考考你，知唔知香港有咩常見嘅交通工具呢？跟住落嚟我哋會介紹其中一啲，但係喺我哋身邊仲有其他交通工具，大家不妨留意一下。

[3] 有時講搭「11號」巴士唔係講巴士、小巴，而係講用腳行。你哋知唔知點解？因為人類係靠兩隻腳行嘅，兩隻直立嘅腳，外形就好似阿拉伯數字「11」嘅樣。

[4] 以前我哋叫開「地鐵」，不過喺2007年12月，因為佢同火車合併，於是就開始改咗名做「港鐵」。你鍾意邊個名多啲？

[5] 非專線公共小巴嘅車頂係紅色，俗稱「紅Van」。以前嘅紅Van司機開得好快，甚至會超速，所以又俗稱「亡命Van」。2006年立法會通過新措施，規定小巴要安裝車速顯示器，以免超速。

[6] 之前講過非專線公共小巴係「紅Van」，至於車頂係綠色嘅專線公共小巴，就俗稱「綠Van」。綠Van嘅行走線路係指定嘅，營辦商唔可以隨意更改行車路線，唔似得紅Van嘅可以四圍走。

[7] 雞先生同An鴨都做漏咗啲安全措施㗎，噉你可唔可以指出佢哋做漏咗咩呢？

[8] 有冇聽過人哋講「雞手鴨腳 gai1 sau2 aap3 goek3」啊？呢句廣東話諺語係形容人手忙腳亂或者笨手笨腳。

[9] 以前香港有冷氣嘅雙層巴士俗稱「熱狗」，佢嘅外貌係噉嘅：



拍攝者: WiNG

[10] 香港有冷氣嘅雙層巴士俗稱「冷馬」而唔係「凍狗」，佢嘅外貌就係噉：

